



KATA PENGANTAR

Statistik Subnasional Parlimen dan Dewan Undangan Negeri (DUN), Tasek Gelugor merupakan penerbitan statistik ekonomi dan sosial komprehensif dengan liputan sehingga ke peringkat Parlimen Tasek Gelugor.

Penerbitan ini diterbitkan julung kali sempena Banci Penduduk dan Perumahan 2020. Secara umumnya, statistik dalam penerbitan ini meliputi statistik sosioekonomi yang terdiri daripada indikator maklumat asas; penduduk; perumahan; guna tenaga; pendapatan isi rumah; pendidikan; kesihatan; kemiskinan; keselamatan awam; internet dan media sosial dan kemudahan asas. Bilangan pertubuhan/syarikat perniagaan mengikut sektor ekonomi dan pertubuhan/syarikat perniagaan yang beroperasi di kawasan ini seperti stesen minyak, tadika swasta, kedai dobi, kedai runcit, bengkel kereta dan klinik gigi juga dimuatkan di dalam penerbitan ini. Penerbitan ini akan terus dikemaskini dan menjadi rujukan penting dalam pelaksanaan keputusan, input kepada penggubalan dasar, pemantauan dan penilaian keberkesanan program pembangunan negara serta penyelidikan.

Penerbitan ini terbahagi kepada dua jenis sumber data. Sumber pertama memaparkan statistik yang diperoleh berdasarkan data primer dari Jabatan Perangkaan Malaysia seperti Banci Penduduk dan Perumahan 2020 dan lain-lain banci dan survei di Jabatan. Manakala, sumber kedua merupakan statistik yang diperoleh daripada sumber pentadbiran yang dikumpul oleh Kementerian/Jabatan /Agensi lain di Malaysia.

Jabatan Perangkaan Malaysia merakamkan setinggi-tinggi penghargaan kepada semua pihak yang telah menyumbang secara langsung atau tidak langsung dalam menjayakan penerbitan ini. Semoga penerbitan ini dapat meningkatkan ketersediaan data sosial dan ekonomi yang berkaitan di peringkat lokaliti dan menyumbang ke arah pembangunan negara yang lestari dan maju. Setiap maklum balas dan cadangan daripada semua pihak untuk penambahbaikan penerbitan ini pada masa hadapan amatlah dihargai.

DATO' SRI DR. MOHD UZIR MAHIDIN
Ketua Perangkawan Malaysia
Februari 2022